

Ibuku rĩa Ngai kũrĩ ciana
nĩrĩrakũrehera

Jesũ na
Zakayo



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.





Mũthenya ũmwe
Jesũ nĩahĩtũkagĩra
Jeriko. Itũũra
rĩĩrĩ nĩrĩanangĩitwo
nĩ Joshua tene
mũno. Rĩu
nĩrĩakĩitwo rĩngĩ
na andũ aingĩ
nĩmaikaraga kuo.
Ũmwe waao
aarĩ Zakayo.







Nogũkorwo andũ angĩ a Jeriko matiendete
Zakayo mũno nĩũndũ onganagia igooti kuuma
kũrĩ o. Zakayo aneaga thirikaari mbeeca
imwe - no ageetigĩria iria nyingĩ.




Gũkorwo arĩ mwĩtia wa igooti nĩgwatũmĩite Zakayo
atonge mũno. Nogũkorwo nyũmba yaake nĩyo yaarĩ
NENE na NJEGA kũu.




No aarĩ mũkuhĩ -
mũkuhi wa kĩrũũgamo.
Zakayo ndaraihĩĩte
ta andũ aria angĩ.





Rĩrĩa Zakayo aigwire atĩ Jesũ aarĩ Jeriko, kamũndũ
kau ga kũũngania igooti nĩkeendaga kuona mũndũ ũyũ
wa Nazarethi ũrĩa waugaga atĩ nĩ Mũrũ wa Ngai.
No kĩrĩndĩ kĩarĩ kĩnene . . . na andũ makaraiha.





Zakayo akĩgĩa na rĩĩcĩria!
Korwo no athĩ mbere ya
kĩrĩndĩ . . . ahaice mūtĩ
wacuuhĩte bara . . .
nĩangĩonire Jesũ.






Zakayo akĩhaica mūtĩ wa
mũkũyũ akĩona handũ
heega kĩhwang'ainĩ na
agĩikara hau eeterere
kuona Jesũ. Nogũkorwo
eciragia, "Haha
nĩnguona wega.
Nĩngũmuona
itakuonwo."



“Zakayo, naihenya
ũikũrũke thĩ.” Kamũndũ
kau kaniini ga kũũngania
igooti gatietĩkagia matũ
maako. Jesũ arũgamĩite
rungu rwa mũtĩ.
Jesũ nĩamũroraga.
Jesũ nĩamũĩtaga!






Angĩkorwo Zakayo
nĩamakire kũigua Jesũ
akĩmwĩta, nonginya
akorwo nĩamakire
makĩria rĩrĩa Jesũ augire,
“Ũmũthi nonginya njikare
gwaku mũcĩ.” Zakayo
agĩikũrũka naihenya
hakuĩ agwe.



Zakayo ñākenire atĩ Jesũ ñāngĩamũcereire
mũcĩ gwake. No andũ matiakenirio
ni ũndũ ũcio. Makĩnegena tondũ
Jesũ ñācereire mwĩhia ta Zakayo.






Jesũ akĩgarũra
mũtũũrĩre wa Zakayo
biũ. Zakayo akiuga,
"Mwathani, nĩngũhe
athĩĩni nuthu
ya indo ciakwa,
na angĩkorwo
nĩheneetie mũndũ,
nĩngũmũcokeria
maita mana."



Jesũ nĩakenire nĩũndũ
wa mĩtũũrĩre mwerũ
wa Zakayo. Nĩendaga
kuona andũ magĩtigana
na meehia na gwĩka
ũrĩa kwagĩrĩire. Jesũ
akiuga, "Mũũrũ
wa mũndũ ookire
gwetha na kũhonokia
kĩrĩa kĩorĩite."
Mũthenya ũcio
kũu Jeriko Jesũ
akĩona Zakayo.



Jesũ na Zakayo

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Luka 19

"Ciugo Ciaku ciatarĩrio nĩrehaga ũtheri."
Thaburi 119:130



Mãico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

